

大清宣統政紀卷三十三

宣統三年辛亥三月己亥朔諭內閣雲南提督李福興陝西漢

中鎮總兵程鼎甘肅涼州鎮總兵岳登龍山東兗州鎮總兵張

宗本均著開缺

現月

又諭湖南衡永彬桂道譚啓瑞著開缺送

部引見

現月

又諭雲南大理府知府鄒志清雲南臨安府知府

李世楷貴州石阡府知府陳武純山東曹州府知府黃篤瓚山

東萊州府知府鮑祖恩河南彰德府知府顧家相均著開缺送

部引見

現月

出使大臣吳宗濂奏查日本學校設有國語一科

以統一全國語言我國疆域較大人民衆多各操土音是以教
育之普通未能速化具其流弊不可勝言擬請飭下學部通行
內外各學堂無論官立民立一體添設國語科如日本辦法凡
入校識字即令該教習等授以官音不得參用土語并飭有編
成國語課本者准其呈由提學使咨請學部審定施行以期語

言統一裨益非淺下部議

包摺

調雲南提法使秦樹聲爲廣東

提學使以廣東提學使沈曾桐爲雲南提法使

月現

予故雲南

提督夏毓秀在雲南省城建立專祠

包摺

豁免雲南嵩明州屬

被災田畝糧銀

包摺

庚子諭軍機大臣等電寄陝甘總督長庚

據電奏張掖縣鄉民聚衆要求種煙古浪鄉民亦有不服查禁

情事等語禁煙功令森嚴豈容無知愚民藉端抗拒著該督飭

屬剴切開導妥爲彈壓解散并將查禁情形隨時電奏

寄電

貝

子溥倫奏資政院暨上下議院工程應否移交得旨仍著溥倫

脩理毋庸移交

月現

阿穆爾靈圭等奏擬請裁併稽察守衛處

改設管理前鋒護軍等營事務大臣處又奏請將三旗驍騎營

兵丁仍歸內務府大臣管轄均從之

月現

福州將軍樸壽等奏

鑲藍旗協領昇泉承辦各事日見顛預平時待遇兵丁往往以

大公濟私任意驅遣經手款項亦多未能覈實請開缺以佐領降

補得旨據奏各節所擬懲處尙輕昇泉著即行革職以示懲儆

摺包以劉銳恆爲雲南提督現月以江朝宗署陝西漢中鎮總

兵官馬萬福爲甘肅涼州鎮總兵官田中玉爲山東兗州鎮總

兵官蘇掄元爲雲南臨元鎮總兵官現月以辦學著有成績賞

浙江中學堂監督翰林院編修邵章四品卿銜摺包辛丑諭軍

機大臣等電寄伊犁將軍廣福電奏悉中俄交涉現已和平業

由外務部通電各省將軍督撫著即將原電宣布務須處以鎮

靜以定人心電寄又諭電寄東三省總督錫良等據電奏東三

省疫氣消減指日可期肅清並開會招待事宜大致周妥等語

知道了電寄陸軍部奏東三省測量局員焦滇受人賄託私將

掌管秘密地圖交付外人訊明屬實即予正法以昭炯戒從之

摺包都察院代奏雲南京官內閣侍讀吳炯等條陳滇邊阡危

搖動大局下外務部知之現月錫良奏查昌圖府等七處各級

審判廳並開原蓋平本溪三縣城治審判廳均於本年成立提
前趕辦經費驟增亟須騰出的款以資接濟應請將奉天府之
承德縣錦州府之錦縣即行裁併一切事宜均歸該府直轄管
理復查審判廳既經成立各屬舊有管獄等官幾同駢枝亦請
一併裁撤再各項教職缺分擬請援照吉林成案遇有缺出咨
部停選至被裁人員並請查照奉省從前五部司員裁缺辦法
有升階者即行歸入升階班內無升階者即以本班仍留原省
儘先補用俾得及時自效以免向隅下部知之包摺又奏派員
丈放達爾王旗荒地及台壯各項留界分別劃清酌擬辦法二
十二條均屬遵照蒙荒向章至有稍事變通之處如升科地租
均歸蒙旗亦係援照該旗借地殖民成案此次放荒原爲開通
洮遼道路籌設驛站起見幾經勸導始獲就範不能以各處放
荒辦法相繩下部知之包摺又奏此次開放站荒籌設洮遼驛

路係屬經蒙始基攸關大局更與前屆爲蒙旗籌抵債款不同
擬懇准予以報効地價項下提撥銀三萬兩津貼達爾汗王旗
郡王台壯以資體恤如所請行

摺包

賞鍾麟同陸軍副都統銜

充陸軍第十九鎮統制官

現月

壬寅諭內閣前經會議政務處

議覆聯豫奏請裁撤駐藏幫辦大臣改設左右參贊兩缺業經
照准羅長禱著補授駐藏左參贊錢錫寶著補授駐藏右參贊

現月

諭軍機大臣等電寄東三省總督錫良等據電奏奉省應

設溝幫子等處檢疫留驗所用款請一併截留營口關稅動用

其鳳凰廳等屬檢疫經費並擬於安東關新政開埠兩項稅款

內截留銀十萬兩以應急需等語著度支部議奏

電寄

護理四

川總督王文奏川省腹地各綠營業經奏明提前裁撤所有

重慶川北兩鎮總兵無所統轄亦應同時併裁查實任川北鎮

總兵李永芳尙未來川現任重慶鎮總兵陳均山係屬專闖大

員當此改革軍政之時應如何錄用未敢擅擬得旨俟奏明裁

缺後另候簡用

包摺

四川提法使江毓昌因病解職以吏部左

丞常裕爲四川提法使

現月

癸卯奧國代理使臣師特克等在

養心殿覲見

官報

諭內閣朕維建國保邦莫先兵力安危定亂

實在人心綜觀中外古今未有君民一體而國不强即未有上

下相睽而國不弱者我國家肇基東土定鼎中原我

太祖之初衆無一旅

龍興遼海建都瀋陽我

太宗嗣統寅紹丕基

威加海內仰維

聖神謨烈靡不

躬擐甲冑跋履山川用集

景命於我

世祖遂成帝業逮我

聖祖冲年繼緒首定三藩既靖海疆遂安方夏乃復憫蒙藩之羸弱
憤準部之驕橫

三往親征長驅朔漠朔方既定中外來同猶復歲獮木蘭
躬親射獵聲靈震疊萬國咸欽是則
先聖臨戎上下一體之明效也嗣是以來

列聖代作我

世宗蕩平青海再廓苗疆我

高宗戡定新疆迭平西藏

天弧所指靡堅不摧逮及

仁宗更平教匪八年血戰七鬯不驚筆檻啟自

先朝

威令森乎堂陛

法宮高拱寰海鏡清尙武之風於今爲烈乾嘉而後內患迭興

列聖相承不矜遠畧懷柔至意百世所宗朕欣覩列邦輯睦之庥風

深懼

先世析薪之難荷懷懷

遺烈彌切淵兢伏念我

列聖蕩定九州沐雨櫛風規模宏遠抑亦我軍人之祖若父同心翼戴乃克成三百年來之盛軌朕纘承大統夙夜維寅深恐上負

我

列聖艱難締造之勤下負我軍人祖若父盡瘁馳驅之烈用特親任大清帝國統率陸海軍大元帥以符立憲體制爲吾民倡朕未親政以前所有大元帥一切權任事宜暫由

監國攝政王代理業經通諭全國臣民獨念國之強弱惟在軍人軍人之強弱惟視士氣上下深明保國之義然後可保身家

未有先顧身家而能保國即未有不能保國而能自保身家者
當此萬方競進非武不揚我軍人自祖若父以來已上承

列聖涵養教育之恩下守家世效忠之訓無不深明大義何待諄諄
惟朕不敢自耽暇逸負

列聖以負我軍人祖若父效命之誠固知我軍人亦必不忍自負其
祖若父以負我

列聖安危與共之隱自應交相策勵鞏固皇圖異時軍國治安憲章
明備君臣上下同履太平斯則我

列聖靈爽式憑亦我軍人祖若父默啟後人之意也其訓諭六條另

交陸軍部頒發全國各軍隊咸使聞知

現月

附錄訓諭六條

一軍人須盡忠節也忘身盡瘁之謂忠臨難不撓之謂節試
思國家之待遇軍人畀以干城寄以腹心所以望其執干戈

衛社稷也而軍人既託身於國家則國家之安軍人共其福
國家之危軍人共其禍而所以能轉危爲安轉禍爲福者則
視乎軍人之忠節與否以爲之衡語曰援枹鼓之急則忘其
身又曰得戰沒於疆場裹以馬革幸也可知自古英雄烈士
皆此忠貞之一念爲之夫聞鼓鼙而思將士我軍人之履艱
蹈險久在朝廷軫系之中況朕身任大清帝國統率海陸軍
大元帥尤與我軍人誼均一體休戚相依朕是以望我軍人
爲國謀爲身謀戮力一心誓圖報國昔我

高宗純皇帝上諭有云凡在披堅執銳之徒當思臨戰爭先赴蹈危
險死於鋒鏑或所不免而國家加恩贈卹廕及子孫如有退
縮偷安挫衄失事縱一時苟免終於身伏斧鑕等死耳死敵
者榮死法者辱雖至愚亦當審擇而知所處矣煌煌

祖訓昭示來茲朕於我軍人有厚望焉

一軍人須謹守禮節也禮節者形式之一端未有形式之不完全而精神尙能貫注者軍隊之中自元戎以至下卒靡不各有等差所以維持秩序而使之不相陵躐者也朕今爲我軍人之大元帥卽爲軍人之元首我軍人卽亦爲朕之股肱而朕所委任之諸將士卽亦與我軍人相承一氣者也是以我軍人對於本管上官與夫資深望重者必須遵奉約束敬禮無違而受領上官之命令儼如受領朕之命令可也雖然軍人者居國家最重之地而亦爲國家所最優遇者也固不可干名犯分故肆囂張亦不可卑鄙逢迎習爲不肖而上官之對於所屬知同爲國家維治安捍患難之人尤必情意相孚不可以位高而生薄視之心不可以權重而逞相陵之勢然後紀綱修明而意志亦無虞隔閡平時卽無齟齬之嫌臨事自收指臂之效此固國家軍隊之福也

一軍人宜尙武勇也拔劍疾視睚眦必仇以門很爲豪邁者此匹夫之勇而非軍人之大勇也所謂軍人之大勇者劫之以勢而不爲驚誘之以利而不爲感激之以氣而不爲動熟審事機沉毅果銳以求盡一己之責任斯則軍人之大勇也軍人之有此性質者雖萬變相乘驟如風雨固可以出萬死一生而行所無事矣昔宋臣岳飛之治兵也時人爲之語曰撼山易撼岳家軍難其所以難撼者武勇爲之也當此世界競爭以兵力爲後盾所以宣揚國威者在此所以維持均勢者亦在此我軍人豈可不亟起而與之並轡爭先乎

一軍人宜崇信義也言行相孚之謂信盡所當爲之謂信義義者斯須所不可離者也而欲守信義則必預計其事之若何理之是非勢之順逆及其所行之難易皆當熟思審處而不可輕爲然諾也倘或逞一時之意氣貿貿然引之爲己任

一旦事勢所迫末可如何欲守信義則有所不能欲棄信義則又有所不可於是始悔前此之冒昧蓋已無及矣古今英雄豪傑往往有委曲遷就徇一時之小節而不免與大義有乖全一日之私情而不免與公理相悖以致禍至無時身敗名裂者不可勝計我軍人所宜及時留意者也

一軍人宜尙樸素也樸素之人其嗜好寡其志趣堅所以涵養軍人最高尙之性質也否則習爲浮華趨於淫佚富者因此以致中落貧者因此益以不支及至境遇櫻心饑渴爲患則平日之操守將皆有所不恤豈不爲立身行己之累乎況乎侈靡之習漸染既深則日即於文弱夫國家之所以優遇軍人爲其能服勞耐苦可以遺大而投艱決非輦金儲粟驕子養之也苟昧乎此而習爲淫侈怠惰之事則筋力日以弛志氣日以頹而勤劬艱險震今鑠古之事業亦坐是以無成

匪特負國家期望之恩而軍人之自待亦甚薄矣此朕所汲汲以爲隱憂者也

一軍人須尙廉恥也惟廉而後知恥惟知恥而後有以自立人當平居無事何嘗不以豪傑自期而一值利害當前則逡巡規避有甘讓他人之我先者此無他無恥之一念爲之也夫明恥以教戰知恥則近勇古今之享大名成大業者類皆恥之一念有以激之而欲養成此廉恥之心則必尊重夫名譽各國軍制有特設名譽裁判所者凡關於軍人名譽之事皆隸屬之所以使軍人知名譽之可貴不敢妄自菲薄而爲之上者又爲之極力保全以養其自尊自重之心不遽斥以聲色不濫加以懲罰使之有所顧惜此即廉恥之所由生也諭軍機大臣等電寄雲貴總督李經羲據電奏滇省事機危迫請飭內外協助等語所陳各節關於籌邊事務著軍諮處會議

政務處分別妥議具奏

電寄

河南巡撫寶棻奏豫省防軍疊獲

巨匪王世莒等訊明正法並令地方官平毀匪巢緝拏餘黨安撫居民其捕匪中槍殞命之哨長外委陸金聲等應請飭部議卹所有出力弁兵懇准擇尤分別保獎以示旌異得旨准其擇尤酌保毋許冒濫

摺包

又奏河北鎮總兵謝寶勝秉性樸勇視

匪如仇在豫西境內獲匪不可勝計平時在營申明紀律與民無擾一聞匪警短衣持械督率所部皆奮勇爭先盜匪一聞其名相率避去該員疾惡由於天性盜匪所在聞信即行以故匪雖善匿卒難倖免懸賞購綫則能不惜重貲部曲有勞立予重賞傷亡者除照章給卹必另給銀兩且厚卹其家所部感其恩誼服從命令如家人父子先後督兵十餘年輕財急公虧累萬餘金同官皆知巡防隊薪費無多萬難議加入少出繁愈久愈增賠累可否仰懇從優賞給銀兩以示優異爲努力戎行殫心

民事者勸得旨所有緝捕購綫一切用款著該撫覈實作正開

銷^{包摺}浙江巡撫增韞奏資政院核定浙江省試辦宣統三年

軍政費豫算案未據陸軍部造冊覆核係照度支部冊復加核減以致差額甚鉅實多窒礙難行之處當飭令浙江陸軍調查財政局詳細籌議照清理財政局改編之豫算總冊於無可核減之中再行極力削減總計共削減銀二十四萬二千五百餘兩其餘各類統共仍需銀二百七十一萬二千一百餘兩造具詳細表冊敘明確當理由分咨各部查浙省上年因裁撤綠營以致陸師巡防隊外海水師礮臺及新軍講武堂等章制均有牽動而浙省清理財政局原編豫算在先祇就元年分原有各軍隊計畫編列資政院又據原編之冊加以核減情事既不相同豫算安能適用當此時艱孔亟未能擴張兵備以策進行奚可減縮軍儲自甘退步惟有仰懇俯准查照浙江清理財政改